

攷事撮要

共五

要撮事攷

攷事撮要序

人之處世動與事接事有千萬種而聰明有所不及
則於臨事之際不能無遺忘之患理所然也此事林
廣記居家必用之所以撰也東方雖在一隅上以事
乎天下以交乎隣其他若公若私不一其事自卿大
夫而至胥史以及巷居之士各有所當知之事必待
攷閱典故然後處之無疑矣但事非一種而書亦汗
牛舛難可徵頃年有所謂帝王歷年記者又有所謂
要集者俱不知何人所撰而歷年記則所載大略而
頗涉於國乘要集則詳於不必詳而闕於不當闕覽
者恒用是病焉叔權不揆不逮據其兩書廣攷故實

參以見行而摘其最切者聚為一書總若十條大要以事大交隣為主而以各種事次之皆日用尋常之所不可闕者也。比於廣記必用則頗加簡要焉。編旣成領議政沈相公連源右議政尹相公澹叅判沈相公通源都憲尹相公春年見而可之。大提學鄭相公士龍發揮其一二命名曰攷事撮要仍令鑄局印之。夫以輦轡之撰獲被五相公之藻鑑至於印行豈非萬一之幸乎。遂書梗槩俾後人知其所始。嘉靖甲寅至月日咸從魚叔權序。

攷事撮要目錄

卷一 紀年 上

卷二 紀年 下

卷三 中朝忌辰 事大表箋式式

進貢方物數目 馬色

中朝路程 大明官制

省府州縣總數 各省道里

文武官服色 文廟配享

接待倭人事例 倭人朝京道里

本朝忌辰陵號 誕日

宗廟配享 功臣名號

東西班散階

外方品級

進賀箋式

方物數目

各衙門品及所掌

六曹所屬各司

六曹郎官所掌

給假式

儀親敦寧式

五服國制

婚書式

五禮儀書附

大小科舉

州縣社稷祭儀

鄉射鄉飲酒儀

功議減等法

笞杖徒流收贖

禁刑日

奴婢田宅決訟限

卷四

八道程道號別土產八道官職總數

卷五

雜病經驗方及日用諸般俗方書冊印紙數

攷事撮要卷一

大明紀年

太祖聖神文武欽明啓運俊德成功統天大孝高皇

帝

諱元璋
字國瑞

登寶位于南郊

洪武元年

戊申

高麗恭愍王十七年

洪武二年

己酉

恭愍王十八年○帝遣符寶郎倪斯

賜璽書報定天下仍封恭愍爲高麗國王鑄降金

印及大統曆段匹等物○遣我太祖擊東寧府

以絕北元東寧府同知李兀魯帖木兒降其酋高

安慰縋城夜遁太祖以元樞密副使拜住等二

百餘戶還○始停至正年號

洪武三年

庚戌

恭愍王十九年○七月十一日始行

洪武年號○帝遣朝天宮道士徐師昊祭本國山

川仍立石以記○成准得等回自京師 帝賜手

書訓誡及賜冠服樂器祭服四書六經通鑑漢書

○帝遣侍儀舍人卜謙賁 詔頒科舉程式中書

省移咨令本國鄉試中選舉人出給公據赴京會

試○又遣禮部主事栢禮頒封建親王詔○又遣

秘書監直長夏祥鳳頒嶽鎮海瀆城隍神號詔○

凡儀物服用始倣華制○遣鄉試舉人朴實金濤

柳伯濡等赴京會試○令謝 恩使姜師贊齎納

前元所降金印○初奇賽因帖木兒仕元爲平章

至是與金伯顏等據東寧府其憾父轍之誅寇我
北鄙命我太祖及池龍壽等往擊之拔其城賽
因木帖兒遁去

洪武四年恭愍王二十年○帝遣將軍李文忠
等征北元于應昌府獲元君之孫買的里八剌及
其后妃寶冊仍遣宣使孟原哲頒詔○本國鄉試
舉人一名金濤中第三甲賜同進士出身除授東
昌府丘縣丞以不能中國語音願回本國又二名
朴實柳伯濡下第亦願回本國禮部奏奉聖旨
好生與盤纏俱著回去

洪武五年恭愍王二十一年○中書省咨送陳

友諒明昇家口令不做軍不做民閑住過活○遣

洪師範請遣子弟入學隸業中書省欽奉 聖旨

本國遠處海東隔離鄉土爲父母必懷其子爲人

子必思其親若是那爲父母的願令子弟入學爲

子的聽受父母之命來學者差人好生送將來○

中書省移咨曰欽奉 聖旨如今天下各衙門凡

遇我生日及正朝冬至都進將表文來好生禮繁

冬至古無賀禮今後不必進表歷代帝王不曾做

生日只起自唐玄宗今後我生日不要進表東宮

生日亦不要進表惟正朝乃一歲之首各處所進

表文類進將來○中書省又移咨曰欽奉 聖旨

中國諸侯於天子每年一小聘三年一大聘至如九州之外藩邦遠國只每世一見今高麗國去中國稍近文物禮樂通經史與中國相似難同其他藩邦教他依著三年一聘之禮或欲每世一見可

洪武六年



恭愍王二十二年○遣鄉試舉人金

潛宋文中曹信等赴京會試在海道值颶風金潛曹信賀正陪臣周英贊等俱泮死○再遣宋文中

赴會試

洪武七年



恭愍王二十三年○帝遣禮部主事

林實週孳牧所大使蔡斌索征進馬匹○遣贊成事崔瑩等討濟州○金甲兩盜賣進獻馬匹因中

書省移咨究問處斬○宦者崔萬生幸臣洪倫弒
王李仁任立辛禡爲王○金義押馬隨天使渡江
中路殺副使蔡斌奔于北元○禮部以宋文中不
及試期奏奉 聖旨可免他再試發回本國擢用

洪武八年

乙卯

辛禡元年

洪武九年

丙辰

辛禡二年

洪武十年

丁巳

辛禡三年○遣使北元自二月初九

日改行北元宣光年號○始置火筒都監判事崔

茂宣學於元焰焞匠李元乃建白于朝○慶尚道

倭寇大熾守將不能禦乃遣我 太祖往擊之戰

於智異山大破之

洪武十一年癸丑辛禡四年○去宣光平號九月十

六日復行洪武年號○沈德符出自京師禮部錄
聖旨以示曰高麗國王王顥被姦臣所弑弑後疊
差人來來文皆言嗣王之使爲未知王之端的拘
使詢由又三年矣今歲貢馬一千匹差執政陪臣
以半來朝明年貢金一百斤銀一萬兩良馬一千
匹細布一萬匹歲以爲常方乃王位真而政令行
朕無惑也設若否此必弑君之賊爲之將肆侮於
我邊陲構大禍於高麗之民也

洪武十二年甲寅辛禡五年○帝降手詔付使臣曰
爾當謂高麗禍首言朕所云其殺無異使者之讎

非執政大臣來朝及歲貢如約則不能免他日取
使者之兵○倭賊五百艘寇下三道屯雲峯引月
驛中外大震以我太祖爲楊廣全羅慶尚三道
都巡察使往擊大破之殺其將阿只拔都

洪武十一年**庚申**辛禍六年

洪武十四年**癸酉**辛禍七年

洪武十五年**壬戌**辛禍八年○女真人胡拔都寇端

州我太祖以東北面都指揮使縱兵大破之拔
都僅以身遁去

洪武十六年**癸亥**辛禍九年○遣鄭夢周如京師賀

聖節且請謚承襲先是帝以本國弒君殺使五

歲貢不如約杖流使臣金廈洪尚載周謙金寶生
李子庸于大理至是當遣使人皆憚行規避夢周
倍道及節日進表 帝嘉之特賜慰撫優禮以送
乃放還金廈等且許通朝聘

洪武十七年



辛禡十年

洪武十八年




辛禡十一年○帝遣國子監學錄

張溥行人司行人段祐齊 詔賜恭愍謚號○又

遣周倬維英賁 諸命封禡為王

洪武十九年



辛禡十二年○遣鄭夢周如京師

請蠲減歲貢夢周奏對詳明 帝降聖旨曰歲貢

之說中國豈倚此而為富不過知三韓之誠詐耳

今朕再與之約削去歲貢三年一朝貢良騎五十匹以資鐘山之陽牧野之羣

洪武二十年（庚申）辛禍十三年○定百官冠服品帶各有差皆紗帽團領

洪武二十一年（庚辰）辛禍十四年○帝以鐵嶺迤北本屬于元並令歸之遼東命立鐵嶺衛遣遼東百戶來告禍稱疾不出迎○四月停洪武年號以曹敏修爲左軍都統使我太祖右軍都統使攻遼東五月左右軍渡鴨綠江次威化島我太祖舉義回軍六月師還放禍于江華禍于昌襲位初三日復行洪武年號○時中國聞本國之變上疏請

征 帝欲親卜于宗廟方致齋適本國使者至即
罷齋

洪武二十二年**己巳**恭讓王元年○奉 帝命立宗
室定昌君瑤是爲恭讓王放辛昌于江華移辛禡
于江陵

洪武二十二年**庚午**恭讓王二年○趙胖等還自京
師啓曰禮部召臣等曰爾國有坡平君尹彝中郎
將李初者來訴于 帝云高麗 李侍中立王瑤
爲主瑤非宗臣乃姻親也瑤與 李侍中謀動兵
馬將犯上國宰相李穡等以爲不可即將李穡曹
敏修李琳邊安烈權仲和張夏李崇仁權近李種

學李貴生殺害將禹玄寶禹仁烈鄭地金宗衍尹
有麟洪仁桂陳乙瑞慶補李仁敏遠流其在貶宰
相等潛遣我等來告 天子仍請動天下兵來討
乃出彝初所記稽等姓名以示之胖與彝等對辯
曰本國事大以誠安有是乎因問彝曰爾位至封
君頗知我乎彝愕然失色禮部官曰 天子聖明
亦知其誣矣

洪武二十四年

辛未

恭讓王三年○帝遣正使承徵

院使康完者篤副使院使李羅帖木兒太鄉蔡罕
帖木兒等賁禮部咨及表裏以來其咨曰本部右
侍郎張智等欽奉 聖旨三韓之地君臣悖亂二

紀于茲幸爾無爭城野之戰王氏苗裔君主斯民
今特遣使賚表累往勞以觀署政何如

洪武二十五年



七月十六日我

太祖康獻至

仁啓運聖文神武大王卽位于松京壽昌宮○遣

密直司事韓尚質如京師奏聞曰陪臣趙琳賚

到禮部咨節該欽奉聖旨國更何號星馳來報

欽此謹將朝鮮和寧等號聞達天聰取自上裁

禮部奏奉聖旨東夷之號惟朝鮮之稱美且其

來遠矣可以本其名而祖之體天牧民永昌後嗣

洪武二十六年



太祖大王二年○遣陪臣李恬

賚納高麗印信

洪武二十七年

太祖大王三年

○十月移都漢

陽

○欽差內使黃永奇等齋至告祭海嶽山川等
神祝文內節該高麗陪臣李仁任之嗣今名某者
云云卽將本宗世系於李仁任不干事理具本奏
聞○帝以本國遣人至遼東齎布帛金銀假以行
禮誘邊將又遣人說誘女真潛渡鴨綠江等事下
手詔責之上表辯明其略曰至若行禮於遼東是
亦景仰於上國當使价往來之際有質主交接之
儀在禮則然於誘何敢其有女真隸土東寧旣皆
作軍而當差安肯遣人而說誘但遼東都司起取
脫歡不花之時其管下人民或有不卽隨行者由

彼安土非臣勒留無所供於我邦各自守其舊業
鄭道傳之辭也 帝以表辭倨傲益怒命遼東母
納朝鮮之使已而 帝遣使諭送親男我 太宗
大王與趙胖南在奉表如京師敷奏詳明 帝引
見再三優禮遣還 命通朝聘之路

洪武二十八年



太祖大王四年○改鑄官印

洪武二十九年



太祖大王五年○欽差內使楊

帖木宋孛羅王禮尚寶寺丞牛牛傳奉做親家

聖旨以來○帝覽賀正表箋怒以爲有戲侮字徵
撰表人鄭道傳道傳稱疾權近請曰撰表之事臣
亦預知願隨使赴京及入朝叩頭曰小國事大不

因表文無以達情而臣等生於海外學不通方便
我王之忠誠不能別白於黠績誠臣等之罪耳

帝然其言待以優禮命題賦詩十八篇 帝嘉歎

不已仍勅有司備酒饌具妓樂使之遊觀三日亦
命賦詩以進 帝乃親製長律詩三篇賜之勅仕

文淵閣得與翰林學士劉三吾許觀景清張信戴
德彝相周旋每稱 上事大之誠 帝聞而嘉之

亟稱老實秀才乃命遣還

洪武三十年太祖太祖大王六年○設奴婢辨定都

監○陪臣安翊等於右順門欽奉 聖旨朝鮮國

王我上出氣力洪武二十一年你那小國軍馬起

將來打這中國中那不中那我這裏水路裏放幾隻船旱路裏放軍馬整齊呵是來那時節李諱一發回去如今得了王高麗改號朝鮮國自然天道朝鮮國王至誠

洪武三十一年（庚辰）太祖大王七年○冊恭靖大

王爲世子九月禪位

太祖高皇帝崩建文皇帝諱九卽位

建文元年（己卯）恭靖大王元年○還松京

建文二年（庚辰）恭靖大王二年○冊太宗大王爲

世子十一月禪位

建文三年（辛巳）太宗恭定聖德神功文武光孝大王

元年○二月帝遣禮部主事陸顯行人司行人
林士英賜大統曆文綺紗羅等物○四月又遣
通政寺丞章謹文淵閣待詔端禮賜誥命金印
○六月又遣太僕寺少卿祝孟獻禮部主事陸顯
賜勅褒獎及賜彩幣藥材

建文四年**（壬午）**太宗大壬午二年○帝遣行人潘文奎
賁勅賜九章冕服○趙溫回自京師帝賜文
獻通考一部

成祖

體天弘道高明廣運聖武神功純仁至孝文皇

帝

諱

即位復稱洪武三十五年指建文爲革除年

或稱更

改年


帝遣都御史俞士吉鴻臚寺少卿汪

泰頒登極詔曰 高皇帝棄君臣建文嗣位權歸
奸慝變亂憲章滅害骨肉禍幾及朕於是欽承祖
訓不得已而起兵以清愆惡不期建文爲奸權逼
脅闔宮自焚諸王大臣百官萬姓以朕 高皇帝
正嫡合辭勸進朕以 宗廟社稷之重已卽皇帝
位大赦天下嘉與萬方同臻至治

永樂元年癸未太宗大王三年○帝遣太監黃儼都
指揮使高得齋 詔勅賜誥命金印○六月又遣
正使內官田畦副使給事中馬麟賚奉恭上太
祖高皇帝孝慈皇后尊謚來頒○八月又遣太監
黃儼 賜冠服段匹及元史十八史略山堂考索

諸臣奏議大學衍義春秋會通真西山讀書記朱
子成書各一部○趙溫固自京師說稱祖訓條章
內云朝鮮國王係是李仁任之後云云即將李仁
任祖與本國宗系各別乞 賜改正等情奏聞于
帝○十一月 欽差內官朱允但韓帖木等傳奉
聖旨以來今選進乾淨的俊秀的火者即選羅邁
等三十五名送進

永樂二年



太宗大王四年○禮部以宗系事移

咨日本部尚書李至剛等於奉天門欽奉 聖旨

朝鮮國王既不係李仁任之後想是比先傳說差
了准他改正云云○帝遣內官楊進保給事中敖

惟善頒冊立皇太子並封建親王詔○又遣內官
劉璟國子監丞王峻用齋 勅賜彩幣及藥材古
今烈女傳

永樂三年**乙酉**太宗大王五年○還漢陽○內使鄭
昇等賁禮部者以來令選精細中用的火者來用
卽選尹鳳等八名送進

永樂四年**丙戌**太宗大王六年○帝遣太監黃儼求
銅佛○禮部咨送欽 賜帽珠紵絲藥材及通鑑
綱目四書衍義等書

永樂五年**丁亥**太宗大王七年○帝遣內官鄭昇行
人馮謹頒平定安南詔○又遣太監黃儼迎 天

寶山舍利仍降勅賜彩段○遣世子朝京陪臣李添祐李茂李來實隨之帝特賜御製詩令陪臣和進又賜金銀段匹書籍筆墨鞍馬等物

末樂六年戊子太宗大王八年○具宗之回自京師帝特賜孝慈高皇后傳書五十本帝以本國前後進馬三千匹遣太監黃儼齋勅賜銀及彩幣

○五月二十四日太祖大王昇遐○帝遣內使都知監左少監郝保等賜祭及謚又降勅賜

賻○帝遣太監黃儼選女子以進工曹典書權執中女仁寧府左司尹任添年女恭安府判官李文命女侍衛司中領護軍呂貴真女中軍副司正崔

得霏女預選○禮部咨送 欽賜勸善書三百部

永樂七年（己丑）太宗大王九年○四月 帝遣太監

黃儼監丞海壽奉御尹鳳 賜銀兩彩幣鞍馬等

物○八月又遣太監黃儼 賜彩幣令更進好女

子及好馬遂選知宣州事鄭允厚女以送○移咨

禮部乞免金銀器皿代以土產物件尚書趙說召

謂使臣僕肩壽曰汝國以不產金銀欲將別物代

貢有違洪武年間舊制我不敢奏恁欲奏則明日

早自奏○光祿卿權永均赴京回還時欽奉 宣

諭恁再來時休打海上過只旱路上來你那裡來

的使臣教他也旱路上來永均乃入京權氏兄也

宋樂八年庚辰太宗大王十年○帝以本國遠征進馬匹遣太監田嘉禾少監海壽賁勅賜彩段銀兩馬匹

宋樂九年辛巳太宗大王十一年○移咨禮部請差人將賚樂單赴京收買帝遣太監黃儼賜藥材及賜祭呂氏父貴真

宋樂十年壬午太宗大王十二年

宋樂十一年癸未太宗大王十三年○作號牌○改各道監務爲縣監

樂十二年甲申太宗大王十四年○設奴婢辨正都監○譯官元閔生赴北京於校殿內欽奉宣

聖旨自皇后崩逝之後令汝國權如管六宮事汝國呂氏請於高麗內官金得金良借砒礪於銀匠和胡桃茶以與權如因致毒死朕已殺內官銀匠又用烙鐵烙呂氏一箇月殺了訖與權永均知道
永樂十三年**乙未**太宗大王十五年○除號牌○因右代言徐選陳言庶孽子孫勿叙顯職別嫡庶分
永樂十四年**丙申**太宗大王十六年
永樂十五年**丁酉**太宗大王十七年○帝遣大監黃儼少監海壽資勅賜彩幣○譯宮元閔生回自京師言傳奉聖諭令進的當女兒欽此選宗簿副令黃河信女兒知淳昌郡事韓永衍女兒與同

欽差黃儼等送進○帝以本國恭事朝廷恪勤不怠又遣奉御善財降勅褒獎仍賜銀兩彩幣馬匹○立奴婢大限之法

永樂十六年

戊戌

太宗大壬十八年○遣同知總制

元閔生奏聞于帝曰世子禔年既長成其所行多有不堪爲後者臣不獲已使居于外第三子諱性頗聰慧孝悌好學一國臣民悉皆屬望請立爲後○帝遣內官陸善齋勅許改封世子○八月禪位

永樂十七年

己亥

世宗莊憲英文睿武仁聖明孝大

正元年○正月帝遣太監黃儼光祿寺少卿韓

確鴻臚寺丞劉泉 賜誥命○李之崇回自京師

禮部咨送 欽賜爲善陰騭書六百本○五月遣

將討對馬島○八月 帝又遣太監黃儼資 勅

論特賜宴享○九月二十六日 恭靖大王昇遐

永樂十八年 **庚子** 世宗大王二年○帝遣禮部員外

郎趙亮行人易節 賜祭及謚

永樂十九年 **辛丑** 世宗大王三年○帝以本國進馬

一萬匹以資國用遣少監海壽齎 勅賜彩幣

永樂二十年 **壬寅** 世宗大王四年○帝親征達子阿

魯台陪臣高奇忠赴遼東欽錄平定北方 詔書

以來○五月十日 太宗大王昇遐

永樂二十一年**癸卯**世宗大王五年○二月帝遣

內官劉璟禮部郎中楊善賜祭及謚○八月又遣少監海壽禮部郎中陳敬許封世子又以本國進馬一萬匹賜銀兩彩幣

永樂二十二年**甲辰**世宗大王六年

太宗皇帝崩仁宗敬天體道純誠至德弘文欽武章聖達孝昭皇帝諱高熾卽位

洪熙元年**乙巳**世宗大王七年○二月帝以本國奉

表來賀遣內官尹鳳朴實賚勅賜彩幣○又遣尚寶監右少監金滿賜祭權氏兄永均

仁宗皇帝崩宣宗憲天崇道英明神聖欽文昭武寬

仁純孝章皇帝

諱瞻基

訓

閏七月內官齊賢行人

劉浩齋擎

大行皇帝遺詔來頒○同月

帝遣

禮部郎中焦楫鴻臚寺少卿盧進頒奉極詔

宣德元年

丙午

世宗大王八年○帝以本國屢遣使

奉表獻方物遣內官尹鳳賚勅諭賜彩幣○始

輪對○十二月始用六典續集○陪臣金時遇回

自京師

帝特賜玉經四書性理大全通鑑綱目

宣德二年

世宗大王九年○帝遣太監昌盛尹

鳳齋勅令選取馬五千匹仍賜銀兩彩幣○以

帝勅選工曹判書成達生女右軍同知總制車指

南女右軍司正英倜女右軍司正安復志女侍衛

司右領護軍鄭孝忠女中軍副司正崔瀾女左軍
司直盧從得女及選會做茶飯的婦女一十名隨
同 欽差昌盛等送進

宣德三年



世宗大王十年○四月 帝遣鴻臚

寺少卿趙泉兵部員外郎李約頒冊立 皇太子

詔○七月又遣太監昌盛尹鳳 賜白素磁器青

花盤等物○以 帝勅選知淳昌郡事韓永衍女

及選會割肉的火者二名隨同 欽差昌盛等送

進○元閔生回自京師 帝降勅賜世子六梁冠

宣德四年



世宗大王十一年○二月 帝遣少

監金滿 賜祭于崔氏父得罪○五月又遣內官

昌盛尹鳳選火者及會做茶飯的婦文學樂的小
子鷹狗等物仍降勅賜白金彩幣磁器○十
一月又遣內官金滿齋勅賜白磁器仍諭進鷹
犬○遣恭寧君柎如京師請免歲貢金銀器皿
帝降勅二道其一曰金銀旣非本國所產自今貢
獻但以土物效誠其二曰自今朝廷所遣內官內
使人等至王國中王但以禮待之毋贈遺以物朝
廷凡取索物件唯憑御寶勅書應付若口傳朕之
言語取索及非理需求者悉勿聽王父子敬事朝
廷多歷年歲逾乂逾篤朕所深知非彼左右近習
所能間也王無慮焉

宣德五年庚辰世宗大王十二年○吳陞回自京師

帝降勅特賜王世子朝服○帝遣內官昌盛尹

鳳齋勅褒獎賜所御寶裝條環刀劍銀幣磁器

等物仍索諸品海味及豹大海青黃白鷹

宣德六年辛亥世宗大王十三年○帝遣內官昌盛

尹鳳張童兒張定安賁勅令進海青黃鷹土豹

宣德七年壬子世宗大王十四年○帝遣太監昌盛

尹鳳監丞張定安賁勅褒嘉及賜彩幣仍合

選耕牛一萬隻送遼東和買○尹季童回自京師

帝降勅曰前命收買耕牛今得王奏國中所產不

多可隨見有者送來交易

宣德八年

癸丑

世宗大王十五年○閏八月

帝遣

指揮僉事孟捏可來資

新書諭曰朕已勅諭凡

察李滿住等各將所搶去人口馬牛頭匹盡行給

還王亦須以所得建州等衛頭畜等物還之而自

今各順天道輯和鄰境戒飭下人勿相侵犯庶幾

共享太平之福○十月又遣太監昌盛等資勅

賜彩幣仍求海青及理辦膳事女子○朴安臣回

自京師賁奉勅諭有曰覽奏欲遣子弟詣北京

國學或遼東卿學讀書具見務善求道之心但念

山川脩遠氣候不同子弟之來或不能久安客外

或父子思憶之情兩不能已今賜王五經四書大

全一部以爲教子弟之用○遣崔閏德等分道討
李滿住

宣德九年

甲寅

世宗大王十六年○帝遣指揮僉事

孟坦可來

勅諭忽刺溫野人換還本國人口仍

勅諭本國亦還未曾還野人人口馬牛

宣德十年

乙卯

世宗大王十七年

宣宗

皇帝崩英宗法天立道仁明誠敬昭文憲武至

德廣孝睿皇帝

諱 祚 鎮 邪

卽仁

帝遣郎中李約員外郎

李儀頒登極詔仍

賜彩幣○又遣內官李忠內

使金角金復送回本國婦女金黑等五十三人蓋

先年以曾做茶飯隨選進女子等入京者也遣南

知奏 聞日本國自來書籍鮮少臣今所藏胡三省音註資治通鑑及趙完璧源委編秩放失多有欠缺有妨考閱又今履常通鑑前編陳桎歷代筆記丞相脫脫撰進宋史等書本國無有臣願得上項各件書冊逐一講究伏望 頒降幸甚

正統元年**丙辰**世宗大王十八年○南智回自京師帝降勅曰王奏請書籍今發去音註資治通鑑一部其餘書板損缺待刊補完備頒賜

正統二年**丁巳**世宗大王十九年○全羅慶尚兩道始行貢法

正統三年**戊午**世宗大王二十年○洪汝方回自京

師 帝降勅賜遠遊冠服

正統四年 **己未** 世宗大王二十一年 ○ 分四孟朔頒祿

正統五年 **庚申** 世宗大王二十二年

正統六年 **辛酉** 世宗大王二十三年 ○ 抄民徙塞下謂之入居

正統七年 **壬戌** 世宗大王二十四年 ○ 始行各品行守之法

正統八年 **癸亥** 世宗大王二十五年 ○ 改田品行田分五等歲分九等法 ○ 倭賊寇上國沿海地面又掠我濟州爲邊將所獲餘賊遁歸對馬島遣李藝

諭島主執送島主不敢匿執十三名付藝以送遂遣辛引孫獻于帝

正統九年**甲子**世宗大王二十六年○柳守剛回自

京師帝降勅賜冕服○辛引孫回自京師帝降勅嘉獎賜彩幣表裏等物

正統十年**乙丑**世宗大王二十七年

正統十一年**丙寅**世宗大王二十八年

正統十二年**丁卯**世宗大王二十九年

正統十三年**戊辰**世宗大王三十年

正統十四年**己巳**世宗大王三十一年○皇太后詔

立皇長子見濡爲皇太子遙尊英宗爲太上皇

太宗

北征陷虜中

皇太后命邲王

諱

不

權總萬機

已而

命卽真是爲恭仁康定景皇帝

景泰元年

庚午

世宗大王三十二年

○以帝

勅選

馬五千匹分爲十運追送京師○帝遣翰林院侍

講倪謙工科給事中司馬恂頒登極詔仍賜彩

幣○三月十七日

世宗大王昇遐

文宗大王

卽位○帝遣太監尹鳳奉御鄭善

賜祭及謚又

許承襲賜九章冕服彩段○八月英宗還京

景泰二年

辛未

文宗恭順欽明仁肅光文聖孝大王

元年○謝恩使皇甫仁賚誥命以來

景泰三年

壬申

文宗大王二年○五月十四日

文

宗大王昇遐 端宗立○帝立長子見濡爲太子

封前太子爲沂王遣吏部郎中陳鈍行人司司正
李寬頒冊立詔又遣尚膳監左監丞金宥右監丞
金興 賜祭及謚又 賜誥命及九章冕服彩幣

景泰四年**癸酉**端宗大王元年

景泰五年**甲戌**端宗大王二年○黃致身回京師

帝降勅賜宋史一部

景泰六年**乙亥**世祖惠莊承天體道烈文英武至德

隆功聖神明睿欽肅仁孝太王元年○端宗傳位

景泰七年**丙子**世祖大王二年○遣內官尹鳳金興

賜誥命及冕服彩段等物選小火者以進卽以火

者上佐等九人送進○權躡回自京師帝降勅

許封世子

景泰八年（四）世祖大王三年

（五）復位改景泰八年爲天順（六）遣翰林院修撰

陳鑑太常寺博士高閏頒復登寶位詔曰朕昔恭膺天命嗣承大統十有五年不虞北虜之變惟以宗社生民之故親率六師禦之而以庶弟郕王監國兵律失御乘輿被遮時文武羣臣既立皇太子而奉之豈期監國之人遽攘當宁之位既而皇天悔禍虜酋格心奉朕南還既無復辟之誠反爲幽閉之計旋易皇儲而立己子惟天不佑末人而亡

杜絕諫諍愈益執迷矧失德之良多致沉疾之難
瘳朝政不臨人心斯憤廼今年正月某日朕爲公
侯駙馬伯及文武羣臣六軍萬姓之所擁戴遂請
命于聖母皇太后祇告天地社稷宗廟復即皇
帝位大赦天下咸與維新○又頒復正皇太子詔
且賜錦幣等物○王世子卒

天順二年**戊寅**世祖大王四年○韓明澮回自京師
帝降勅許封世子

天順三年**己卯**世祖大王五年○設推刷都監○遼
東謀者告建州酋董山潛結朝鮮帝命巡撫都
御史程信察之信遣自在州知州佟成始以他事

往境上得本國授董山正憲大夫中樞院使制信
帝遣刑糾給事中陳嘉猷齎勅來責且出制信
示之又遣錦衣衛譯者往建州詰責○曹錫門齎
奉到勅諭今得王回奏董山事情具悉宣德正
統年間所降勅諭欲令釋怨息兵未嘗許其往來
交通除授官職且彼既受朝廷官職王又加之是
與朝廷抗衡矣但事在已往朕不深咎自今以後
宜謹守法度以絕私交

天順四年

庚辰

世祖大王六年○戶大典自十月始

用○帝遣禮科掌科事給事中張寧錦衣衛都指
揮武忠資勅令將浪十兒哈事從實開奏○金

禮蒙回自京師齎奉 勅諭有曰今得王奏稱國
在海外文學未靖兼又吏文漢音不得通曉欲照
歷代舊例遣子弟入學等 具悉前代之制或命
八才子往教或許遣子弟入學如王彬等擢科遣
還韓昉輩 事暫留之類蓋由當時彼處文學未
盛又中國好大之君取爲美觀而已我朝 祖宗
以來不行此制今王國詩書禮義之教傳習有素
表箋章奏與太行移吏文悉遵禮式雖未能盡通
漢音而通事傳譯未嘗不論又何必子弟來學然
後爲無誤哉朕遵 祖宗之制不欲慕習虛美王
亦當恪守舊規率礪國中子弟篤志經籍則自有

餘師人材不患其難成而事大不患其有礙也○
金淳熙自京師 帝降勅曰今得王奏殺死郎卜
兒哈實情蓋因其通謀扇亂依法置罪等因具悉
王之依法置罪止可行於王國不可行於隣境今
以王國之法罪隣境之人欲其不生邊釁得乎將
來之患王可自圖○遣申叔舟征遼猪江野人

天順五年



世祖大王七年○移咨禮部乞頒洪

武正韻禮部題稱朝鮮國遞年所進表箋章奏中
間字樣別無錯訛今乞討洪武正韻一節查得印
板原在南京國子監收儲即今不曾印有見在無
從給與等因奏奉 聖旨是○刑大典京中自七

月十五日京畿二十三日忠清黃海江原道二十
八日全羅慶尙咸鏡平安道八月十三日始行用

天順六年壬午世祖大王八年○量田

天順七年癸未世祖大王九年

天順八年甲申世祖大王十年

英宗皇帝崩憲宗繼天凝道誠明仁敬崇文肅武宏

德聖孝純皇帝諱見**即世**帝還太僕寺丞金湜中

書舍人張瑊頒登極詔仍賜幣帛文錦

成化元年乙酉世祖大王十一年

成化二年丙戌世祖大王十二年○始用辨定都監

新印○改官制

成化三年丁亥世祖大王十三年○改刑曹都官爲掌隸院自二月初九日始用掌隸院印○吉州賊李施愛叛命龜城君浚魚有沼等討平之○遼東百戶白顯賁奉勅諭令夾擊建州衛李滿住等遣魚有沼南怡攻建州衛諸寨斬李滿住及其子古納哈打肥刺等擒獲人畜焚其廬舍積聚及獲被虜上國男婦乃斫樹白而書之曰某年月日朝鮮大將魚有沼滅建州而還時而兵後到見其白書具由以奏

成化四年戊子世祖大王十四年○帝以本國討斬李滿住遣內官姜玉金輔賁勅褒獎仍賜彩

降白金紋錦西洋布又賜魚有沼等銀兩表裏

○九月初八日世宗大王昇遐睿宗大王即位

成化五年

己丑

睿宗襄悼欽文聖武懿仁昭孝大王

元年○帝遣太監鄭同賜祭謚及賻○又遣太

監崔安沈繪賜誥命及勅仍賜九章冕服彩

幣等物○撰國朝武定寶鑑○十一月二十八日

睿宗大王昇遐成宗大王即位

成化六年

庚寅

成宗康靖仁文獻武欽聖恭孝大王

元年○帝遣太監金興行人姜浩賜祭謚及賻

又賜誥命九章冕服彩幣○頒橫看

成化七年

辛卯

成宗大王二年○頒大典○謁先聖

親祭社稷

成化八年

壬辰

宗大王三年

成化九年

癸巳

宗大王四年○改軍籍

成化十年

甲午

宗大王五年○頒大典

成化十一年

乙未

宗大王六年○親祭先農親耕

籍田○奏請使金礪回自京師 帝降勅曰得奏

王所生父諱先封世子早逝及所生母韓氏見在

俱未有名號雖爲人後者義不可顧私親然顯揚

之懷自不能已等因具悉王之孝忱茲特封故世

子諱爲朝鮮國王謚懷簡封韓氏爲懷簡王妃以

遂王顯親之志○建尊經閣于 均館賜藏經籍

成化十二年丙申成宗大王七年○帝遣戶部郎中
祁順行人司左司副張瑾頒冊立皇太子詔乃
賜彩幣文錦

成化十三年丁酉成宗大王八年○王妃親蠶○謁
先聖行射禮○罷誕日祝壽齋○帝以繼妃尹氏
誥命並冠服紵絲等物付沈澮賜送

成化十四年戊戌成宗大王九年○奏請使尹弼商
回自京師帝準請許每歲一次收買弓角五十
對○謁先聖養老乞言

成化十五年己亥成宗大王十年○設推刷都監○
奉帝勅遣魚有沼征建州衛至滿浦鎮以江水

宋合擅自罷兵更命尹弼商徃征之俘獲人畜及
被虜漢人遣魚世謙獻俘于帝

成化十六年

庚子

成宗大王十一年○帝遣內官鄭

同姜玉賜勅曰建賊稔惡不悛朕出師討之王
已發兵來助雖前兵因江水凍解難濟不獲與我
師同厥功後兵亦抵巢攻勦擒斬其部屬焚燬
其廬舍畜峙得其所掠我邊衛人口又遣陪臣押
赴來獻王之忠誠於先世可謂能繼於朕命可謂
無負矣仍賜白金文錦領兵官尹弼商節度使
金嶠等亦賜銀兩紵絲○遣韓明澮齎奏本赴
京其奏曰繼妃尹氏性度違戾不克欽承寵命

失德茲甚大失臣民之望不獲已承臣祖母尹氏
三冊韓氏之教廢置外第以副室尹氏爲妻伏望
聖慈特賜誥命冠服云云

成化十七年**辛丑**成宗大王十二年○帝遣內官鄭
同金興賜冊封繼妃誥命及冠服○韓明澮回
自京師帝許每年收買弓角二百對

成化十八年**壬寅**成宗大王十三年

成化十九年**癸卯**成宗大王十四年○帝遣太監鄭
同金興賁勅封世子○正使鄭同病卒

成化二十年**甲辰**成宗大王十五年○抄豪富良人
入居于兩界○改建昌慶宮○賜成均學生田四

百結鄉學有差○旌義縣監李暹漂流泊于直隸
楊州府禮部奏準順付陪臣朴捷以來

成化二十一年乙巳成宗大王十六年○頒大典初
令改嫁女子孫勿齒東西班○太旱饑

成化二十二年丙午成宗大王十七年○改軍籍

成化二十三年 成宗大王十八年

憲宗 皇帝崩孝宗建天明道誠純中正聖文神武至


仁大德敬皇帝諱祐 卽位


弘治元年庚申成宗大王十九年○帝遣翰林院侍

講董越工料右給事中王敝頒登極詔仍降勅


賜幣帛文錦○濟州推刷敬差官崔溥奔父喪回

漂到浙江台州府禮部題準差官伴送


弘治二年  成宗大王二十年○大閱

弘治三年  成宗大王二十一年○幸驪州謁

英陵賜州民是年半租所過州縣遣官祭先聖廟
賜學生米有差

弘治四年  成宗大王二十二年○野人寇咸鏡

道殺鎮將 命許琮帥師二萬討破之

弘治五年  成宗大王二十三年○罷度僧法○

帝遣兵部郎中艾璞行人高胤先頒冊立 皇太

子詔○謁先聖大饗師生及百僚 命製樂章以

侑之○京畿忠清道量田

弘治六年**癸丑**成宗大王二十四年○頒續錄○全羅慶尚道量田改軍籍

弘治七年**甲寅**成宗大王二十五年○十二月二十四日成宗大王昇遐燕山立

弘治八年**乙卯**燕山元年○全羅道改量田○帝遣太監金輔李珍行人王獻臣賜祭謚及誥命

弘治九年**丙辰**燕山二年○本國高益堅高石山金孟孫等違禁下海往來海浪島因遼東咨文取問本犯等俱按律科斷

弘治十年**丁巳**燕山三年

弘治十一年**戊午**燕山四年

弘治十二年 **庚申** 燕山五年

弘治十三年 **庚申** 燕山六年 ○金永貞回自京師

帝降勅曰得奏累有下海人至海浪島見島內居人多係本國州縣名籍逃移至彼生長男女誘引軍民漸加滋蔓欲差人刷還慮有中國人民亦請勅官司搜發足見事大之誠今不別遣使勅至王可差人前往彼處將海島逃民盡數搜刷如審係中國之人或被搶掠漂泊等項卽差人送至遼東交割 ○遣李站田霖搜括海浪島逃民遼東人男婦共六十四本國人男婦共四十八差官奏聞

弘治十四年 **辛酉** 燕山七年

弘治十五年**壬戌**燕山八年

弘治十六年**癸亥**燕山九年○帝遣太監金輔李珍

勅世子○正使金輔卒

弘治十七年**甲子**燕山十年○春於諸道大小邑皆

設娼妓號運平樂工爲廣熙擇運平二百人入內

○秋築內都城撤去城基外人家

弘治十八年**乙丑**燕山十一年○築瑞臺○罷弘

文館改經筵爲進讀令以藝文館兼之加設藝文

奉教以下四員注書二員革正言加設獻納一員

皇帝崩武宗承天達道英肅睿哲昭德顯功宏

文思孝毅皇帝諱厚卽位

正德元年

燕山

十二年

○帝遣翰林院侍講徐

穆吏科給事中吉時頒登極詔降勅賜紵絲文

錦等物○夏四館博士以下分屬他司兼帶本館

職事革司諫院○燕山荒亂朴元宗柳順汀成希

顏等啓慈順王大妃廢之奉中宗大王卽位

○盡革燕山幣政放還被竄之人

正德二年

中宗

恭僖徽文昭武欽仁誠孝大王

二年○盧公弼回自京師帝降勅曰準爾署理

本國大小庶務以國王體統行事益敦孝睦以繫

羣望朕將有後命

正德三年

中宗

大王三年○謁先聖○帝遣太

監李珍陳浩 賜誥命及冕服彩幣等物

正德四年庚辰中宗大王四年○改軍籍

正德五年庚辰中宗大王五年○三浦倭奴叛陷菁
浦熊川城殺僉使李友曾遣防禦使柳時年黃衡
討破之斬獲三百餘級

正德六年辛巳中宗大王六年○幸成均館橫經問
難 賜學田

正德七年壬午中宗大王七年○以兩宗及圓覺寺
分賜燕山時撤家人等

正德八年癸未中宗大王八年○親祀先農親耕籍
田○王妃親蠶○追復昭陵移安於顯陵

正德九年甲辰中宗大王九年○設推刷都監

正德十年乙亥中宗大王十年

正德十一年丙子中宗大王十一年○罷忌辰齋

正德十二年丁丑中宗大王十二年

正德十三年戊寅中宗大王十三年○李繼孟聞自

京師帝降勅曰得爾奏妃尹氏矢逝復娶尹之

任之女爲妃特賜誥命彩幣等物令陪臣李繼孟

賫去至可領之○李繼孟得大明會典以來本國

項下註云其李仁任及子太祖姓舊諱今名太祖

新諱者自洪武二十八年首尾凡弑王氏四王姑

待之卽具被誣事情遣南表李紆奏聞

正德十四年已卯中宗大王十四年○禮部以本國

宗系等事題曰我祖宗立法垂訓後先作述俱

有成書而其中義例或不盡同若會典一書所以

詳載本朝國初以來官職制度俾文武諸司便於

參考其事關外國是非疑似之間皆在所略况太

祖姓舊諱得國改號皆出自太祖皇帝之命聖

恩所授決非偶然且其不係李仁任之後又已奉

有太宗文皇帝詔旨許今改正而一統志又明

著王瑤昏迷太祖舊諱爲衆所推等事與今所奏

大略相符臣等欲望皇上念其好文守禮之國

鑑其爲祖辯誣之誠俯從所請降勅一道責

付差來陪臣賁至本國諭以 聖意則如天之仁
覆冒海隅而遠人之心安矣奉 聖旨是朝鮮國

王之祖不係李仁任之後我 太宗文皇帝已有
旨準他改正今又具奏陳情誠孝可念還寫勅與
王知道○南家等回自京師 帝降勅曰爾祖太
祖姓舊諱原不係李仁任之後我 太宗文皇帝
已有明旨準他改正今爾又具奏陳情誠孝可念
特允所請降勅諭以朕意其欽承之

正德十五年

庚辰

中宗大王十五年

正德十六年

辛巳

中宗大王十六年○帝遣太監金

義陳浩齋

勅封世子仍

賜銀兩紵絲蟒衣等

物且令選進女子及小火者

武宗

皇帝崩世宗欽天履道英毅聖神宣文廣武洪

仁大孝肅皇帝

諱厚

即

帝遣翰林院修撰唐臯

兵科給事中史道頌登極詔仍降勅賜彩幣○

禮部移咨日本部題奉聖旨前勅內欲取人口

都不必用

嘉靖元年

壬午

中宗大王十七年

嘉靖二年

癸未

中宗大王十八年○日本倭奴藤原

中林等一起到上國寧波府自相構亂因殺邊將

而走被獲于本國黃海道遣陪臣成世昌奏聞于

帝仍獻俘馘及倭奴所擄漢人○江原道改量田

○野人等來居于間延茂昌漸成部落 命兩界

節度使領兵驅逐

嘉靖二年

甲申

中宗大王十九年○成世昌回自京

師 帝降勅褒獎賜銀兩表裏及 賜領兵官等

銀兩綵段有差○全羅道改量田

嘉靖四年

乙酉

中宗大王二十年○設吏文學官後

改吏文二字爲漢吏

嘉靖五年

丙戌

中宗大王二十一年

嘉靖六年

丁亥

中宗大王二十二年

嘉靖七年

戊子

中宗大王二十三年○滿浦僉使沈

思遜偶涉虜境被野人所殺○幸驪州謁 英陵

嘉靖八年

己巳

中宗大王二十四年○柳溥在京師

聞重纂大明會典乃呈文于禮部乞將本國宗系
惡名等事從實改正尚書李時等題奉 聖旨朝

鮮國陪臣所呈本國宗系事清既有節奉 祖宗

朝明旨你部裏便通查備細開載送付史館施行

嘉靖九年

庚寅

中宗大王二十五年○遼東人民潛

住于薪島令朴光榮呈文都司乞行搜括卽差湯

站指揮王瑀領軍以來與本國義州收使金瑚麗

川郡守許礪等一時進兵獲上國逃民男婦共六

十及頭畜財產○琉球國人十名漂到濟州付正

朝使吳世翰等領解奏聞

嘉靖十年辛卯中宗大王二十六年○禮部移咨令
正朝進賀移于冬至○遼東人民住種於威化等
島都司因吳世翰呈文令本人等移於他處仍咨
本國知會

嘉靖十一年壬辰中宗大王二十七年

嘉靖十二年癸巳中宗大王二十八年○遼東人董
禮等五百餘名復來威化等島耕種移咨都司乞
禁即將本人等治罪撤其家舍仍回咨知會

嘉靖十三年甲午中宗大王二十九年○進賀使蘇
世讓以乞罷門禁事呈文于禮部尚書夏言等題
曰蘇世讓等呈稱欲行觀游無間光瞻禮儀考質

文物薰炙遷化固見其仰慕上國之誠合候命
下每五日一次許令該國正使及書狀官等出館
於附近市衢觀游本部仍劄付空閑通事一員陪
侍出入以示禮待防衛之意奉聖旨是○禮部
因陪臣任樞呈文移咨本國今後進貢種馬隨同
冬至使臣一齊赴京朝貢○遼東人民復來威化
等島耕種本國移咨乞禁卽差官到境立禁標石
三面○冬令冬至使鄭士龍呈咨文于禮部乞依
舊例許使臣各起勿拘五日自行出入尚書夏言
等題曰朝鮮國索秉禮義委與諸裔不同况先年
五日一次禁例原爲他夷而設朝鮮琉球二國不

在此限合候 命下行令該館提督主事於該國
一行使人聽之每日出入不必限制奉 聖旨是

嘉靖十四年

乙未

中宗大王三十年○舊例質正官

於差關中寫於押物之頭而無質正官之號自是
年 聖節使之行始帶質正官三字銜而寫於書
狀官之下焉○遼東人民復來威化等島耕種本
國移咨乞禁都司二大人魯鐸親來踏勘圻毀其
家斫伐其苗盡括還于原籍○幸豐德謁 齊陵

嘉靖十五年

丙申

中宗大王三十一年

嘉靖十六年

丁酉

中宗大王三十二年○帝遣翰林

院修撰龔用卿戶科給事中吳希孟頒 皇嗣誕

生詔○遷禧陵

嘉靖十七年戊戌中宗大王三十三年

嘉靖十八年己亥中宗大王三十四年○帝遣翰林

院侍讀華察工科左給事中薛廷寵頒冊立皇

太子及恭上皇天上帝泰號二詔○遣奏請使權

撥任權乞將本國宗系惡名兩事通查前後辯明

奏呈及節奉聖旨事意詳加考校備載首末等

情奏聞于帝禮部尚書嚴嵩等覆題曰朝鮮國

素秉禮教多效忠勤奏辯情節與李仁任無干

列聖已悉其情上皇又許其情與之辯白似亦

相應但查得所辯李仁任及今名某者並凡弒四

王等語皆會典內所載祖訓之言豈敢輕議改正
合無俯從所請將伊前後辯明奏呈及節奉列
聖明旨送付史館今纂修會典令其叙入朝鮮國
項下祖訓會典兩無相妨傳疑傳信各有所據奉
聖旨是皇祖大訓不敢別議該國奏詞並奉
列聖明旨此後纂修宜付錄之

嘉靖十九年

庚子

中宗大王三十五年○權撥等聞

自京師帝降勅曰爾國數以宗系明非李仁任
之後來奏我成祖及武宗朝具有明旨朕亦
具悉矣但我高皇帝祖訓萬世不刊會典所載
他日續纂宜詳錄爾詞爾恪共藩職朕方嘉爾忠

孝可無遺慮也其欽承之○四月遼東人民王中等來義州造山坪耕種都司因本國移客令湯站拿治其罪○十月遼東人民王賢等又來造山坪居住都司因本國移客拿治所耕田土盡行攤平

嘉靖二十年

壬午

中宗大王二十六年

嘉靖二十一年

癸未

中宗大王二十七年○通事金

榮俊賫膳黃以來

皇帝勅論文武羣臣是年十

月二十日發生榻寢二逆御氏結官婢楊金英等大肆謀逆戕害朕躬兇殘悖惡人所未為皆有卽將逆犯凌遲處死但恐中外傳疑未的降勅云云

嘉靖二十二年

甲申

中宗大王二十八年○頒後續錄

嘉靖二十三年 **甲辰** 中宗大王三十九年 ○熊川海

中設加德天城等鎮 ○福建下海人李王乞等二

起共三十九人被獲於忠清道慮各人在路逃竄

移咨都司押赴湯站堡交割轉解 備咨禮部 ○

十一月十五日 中宗大王昇遐 仁宗大王即位

嘉靖二十四年 **乙巳** 仁宗恭靖獻文懿武章肅欽孝

大王元年 ○禮部以本國獲解李王乞等奏奉

聖旨賜銀兩 段付鄭士龍等以來又 賜陪臣

銀兩等物 ○帝遣太監郭璫行人張承憲 賜祭

謚及賻 ○又遣太監張奉吳猷 賜誥命仍降

勅賜彩幣 ○舊例平安道觀察使迎送華使于安

州自張承憲之來始依龔用鄉使朝鮮錄迎送于義順館○福建下海人顏容等三起共六百一十三人被獲於全羅道移咨都司依李王乞等例交割湯站輔解仍奏聞○七月初一日仁宗大王昇選明宗大王即位

嘉靖二十五年

丙午

明宗恭憲獻毅昭文光肅敬孝

大王元年○帝遣太監劉遠行人王鶴賜祭禮及賻○又遣太監聶寶郭鑾賜詰命仍降勅彩幣○禮部以本國獲解顏容等奏奉聖旨銀兩彩段付南世健等以來又賜陪臣等銀兩彩段○福建下海人馮倣等四起共三日四十

一人被獲於全羅道依先年例押赴湯站轉解備
咨都司○禮部傳奉 聖旨令陪臣閔世良先送
譯官以本國紙代席貢一二次卽遣李 賁紙
進獻○遼東設新堡于九連城少北名曰江沿臺
嘉靖二十六年 明宗大王二年 帝以本國進
紙 特賜勅銀兩紵絲付李 回來在路被車夫
等竊其 勅書○順差 賀節使臣張世豪奏
聞失勅及科罪李夔等事○謁先聖○謝 恩使
臣宋純柳智善以門禁事呈文于禮部尚書費案
等題曰朝鮮國使臣素間禮教委與他夷不同朝
廷自來待遇以禮近據宋純等具呈前事本部查

有前例相應申明合候 命下行令該館提督主
事於該國使臣聽其附近所在同書狀官及從人
不過二三名游觀出入不必限制等因奉 聖旨
是○張世豪回自京師 帝補賜李夔所失 勅
書○行功臣仲朔宴與宴人員增秩 賜物有差

嘉靖二十七年

戊申

明宗大王二年

嘉靖二十八年

己酉

明宗大王四年○皇太子薨謚

哀冲

嘉靖二十九年

庚戌

明宗大王五年○謁 光陵○

不知名漢人等前來設陷坪耕種居住都司因押
解官李應星呈文令江沿臺堡指揮親到設陷坪

燒其房屋及治盜耕之罪○設陷坪已種之地田禾向熟都司因押解官金山海呈文差官拿治其罪令本堡攤平田土仍劄付議政府知會

嘉靖三十年

○

明宗大王六年○謁先聖

嘉靖三十一年

○

明宗大王七年○倭賊與中國

客商等漂到蓬義縣殺死人民被官軍敗退餘賊三十餘名登蓬架山藏伏官軍生擒倭賊望古三夫羅餘賊潛奪本鎮小船遁去流望古三夫羅于成川府○設軍籍都監

嘉靖三十二年

○

明宗大王八年○親祀先農

親耕籍田○遼東廣鹿島人金斌等以薪島空閑

可耕告準都司前來住種都司亦令江沿臺堡移
文義州勿令阻禁本國將先年湯站指揮公同本
國人員搜括居民等情備咨于都司都司卽拿治
金斌等瞞告之罪不許在島○倭賊與中國客商
等漂到康翎縣轉往龍媒鎮殺死軍官及軍人共
三人軍官生擒倭賊三甫那古羅揚古羅等二名
與王子年被擒望古三夫羅俱順付冬至使李渥
奏聞獻俘○九月景福宮火思政殿以內皆延
燒大王大妃王大妃誥命亦被火燒

嘉靖二十三年甲寅明宗大王九年○草串胡人生
聚漸多時潛抄邊民令北道節度使李思曾將兵

討之焚其巢穴○李澤回自京師 帝降勅褒獎
賜銀兩文錦彩段仍 賜獻俘陪臣及領兵官等
銀兩彩段有差○頒軍籍○景福宮繕修告成
嘉靖三十四年 **己卯** 明宗大王十年○倭船六十餘
艘寇全羅道陷達梁殺兵使元績長興府使韓蘊
虜靈巖郡守李德堅連陷於蘭浦馬島長興府兵
營康津縣加里浦殺掠不可紀極海南縣監邊協
嬰孤城獨全遣都元帥李浚慶禦之以金景錫南
致勤爲左右防禦使景錫屯靈巖城賊進逼城外
分餘賊抄掠旁邑景錫出兵與戰賊大敗遁走官
軍斬獲二百餘級致勤遇賊於羅州進戰敗之李

德堅來自賊營致賊語曰君給軍食便當退還
命斬德堅以徇軍中○退遁之賊又犯濟州屯于
城外敕使金秀文以孤軍力戰大破之

嘉靖三十五年**丙辰**明宗大王十一年○設推刷都

監○謁先聖○倭賊之犯中國者漂泊于全羅道
漢人華重慶等三十八人被獲于邊將乃爲倭賊
所擒者也順付冬至使沈通源奏聞

嘉靖三十六年**丁巳**明宗大王十二年○沈通源回

自京師帝賜勅褒獎及銀兩彩段使臣與邊將
賜銀兩紵絲○謁先聖○宗系等事已蒙改正之
命而大明會典尚未刊布其改正與否不可的知

遣趙士秀奏 聞禮部覆題曰會典雖以纂修未
經頒布改正之詞本部無從查考合行史館檢查
會典朝鮮國項下該國宗系節奏 欽依先年纂
修曾不採擇附錄明白開報容臣等移咨本國知
會其附錄之詞仍候會典頒布之日續行昭示等
因奉 聖旨是○遣李名珪尹春年于京師請封
世子且請補 賜大王大妃王大妃誥命

嘉靖三十七年

庚午

明宗大王十三年○李名珪等

回自京師賁奉

兩殿誥命以來○謁先聖○帝

遣太監王本趙芬賁 勅封世子○設推刷都監

嘉靖三十八年

己未

明宗大王十四年○謁先聖○

築義州山城○漢人蘇才等三百三十二名脫倭
搶虜漂泊于黃海道爲邊將所獲順付冬至使尹
毅中奏聞

嘉靖三十九年

庚申

明宗大王十五年○尹毅中聞

自京師

帝降勅褒獎賜銀兩彩段陪臣邊將亦

賜銀兩紵絲

○謁先聖焚香○賀節使臣柳潛回


到高嶺驛譯官姜英堯遇賊被殺○譯官洪熙潛


往江沿臺堡買賣事發本堡移文義州使之轉

啓拿問處絞○九連城人民等來設陷坪造家耕


種都司因本國咨文治本處官員及盜耕之人阻

咨本國○行功臣仲朔宴與宴人員增秩賜物


嘉靖四十年  明宗大王十六年

嘉靖四十一年  明宗大王十七年 ○遷 靖陵

○黃海道強賊林巨正截路殺人打破獄門宮不能捕遣南致勤設法捕戮 ○江沿臺堡以都司意移文義州其大要許民耕種石場谷但不設許陷坪等處也本國移咨都司請於石場谷下端小河岸立碑使之區別都司即令立石碑

嘉靖四十二年  明宗大王十八年 ○謁先聖 ○

以 宗系事尚未刊布遣金澍乞於會典中明載國祖爲桓祖姓諱之子等情奏 聞 ○世子卒謚順懷 ○金澍在京師病卒 ○書狀官李陽元賁奉

勅書回來有曰咨爾朝鮮國王世篤忠順作朕東藩屢以祖系陳乞釐正朕特允爾所奏宜付史館因會典之舊文載爾祖之直派滌瑕傳信炳如日星朝廷與爾國皆知出於李桓祖諱而不出於李仁任也云云○禮部又於舊件會典內改錄本國宗系而仍刊印若干張付陪臣以來使知改錄嘉靖四十三年明宗大王三十九年○舊例本國使臣回還經過湯站本堡差軍五六十騎跟到江上謂之護送自設江沿臺兩堡相兼差軍而其數至於二百多有饋贈之費至是都司因本國咨文行令兩堡今後勿復差軍護送

嘉靖四十四年 **乙丑** 明宗大王二十年○初僧普雨

廣張佛法居處僭擬又設無遮會於檜巖寺其費

萬計至是臺諫及太學生連章請誅 命黜于外

母令出入京山乃竊騎鋪馬而走被獲於麟蹄驛

命流于外州未幾死○**罷兩宗禪科**

嘉靖四十五年 **丙寅** 明宗大王二十一年○

世宗 皇帝崩穆宗契天隆道淵懿寬仁顯文光武俊

德純孝莊皇帝 諱載 卽位

隆慶元年 **丁卯** 明宗大王二十二年○六月二十八

日 明宗大王昇遐宣祖大王卽位○帝遣翰林

院檢討許國兵科給事中魏時亮頒登極改元詔

仍降勅賜彩幣行至嘉平館聞國恤遣其舍人齎題本進于朝廷及入京以白綃團領行吊禮

隆慶二年

戊辰

宣祖昭敬正倫立極盛德洪烈至誠

大義格天熙運顯文毅武聖睿達孝大王元年○

帝遣太監張朝行人歐希穆賜祭謚及賻○又

遣太監姚臣李度賜封王誥命仍降勅賜彩幣

○又遣翰林院檢討成憲兵科給事中王璽頒立

皇太子諡

隆慶三年

己巳

宣祖大王二年○謁先聖

隆慶四年

庚午

宣祖大王三年

隆慶五年

辛未

宣祖大王四年

隆慶六年
帝宣祖大王五年○親祀先農耕籍田

政事撮要卷一

宣統大正五年八月
廣東省城
廣東省城
廣東省城





